

**ELSIG**NJË HAP PËRPARA
ONE STEP FORWARD

KOMPANIA E SIGURIMEVE SH.A.

INSURANCE COMPANY J.S.C.

info contact:
Tel: 038 221-112info fax:
Fax: 038 221-115info cell:
Mob: +377 44 220715info e-mail:
kselsig.pristine@gmail.comPrishtinë, Kosovë
10000

KUSHTET E PËRGJITHSHME TË SIGURIMIT TE GARANCIVE BANKARE -TENDERIT-

Këto Kushte aplikohen për sigurimin e tenderëve të shpallura nga Autoriteti Kontraktues, në të cilët marrin pjesë operatorët e licencuar ekonomik.

Neni 1.

Gjatë një aktiviteti të prokurimit që shpie drejt dhënies së një kontrate me vlerë të mesme ose të mëdha, autoriteti kontraktues mund të kërkojë nga tenderuesit që të depozitojnë siguri (garantim) për tender. Siguria e tenderit që është depozituar nga tenderuesi do të konfiskohet, në rast se:

- autoriteti kontraktues vendos, duke u bazuar në fakte të verifikuara se tenderuesi në fjalë i ka dhënë autoritetit kontraktues informacione përmbajtsisht të gabueshme ose mashtruese,
- tenderuesi në fjalë e tërheqë tenderin pas skadimit të afatit të fundit për dorëzimin e tenderëve, por para skadimit të periudhës së vlefshmërisë së tenderit të specifikuar në dosjen e tenderit,
- tenderuesit në fjalë i është dhënë kontrata përkatëse në bazë të tenderit të tij dhe tenderuesi pastaj refuzon ose dështon:
 - që të depozitojë çfarëdo sigurie të kërkuar të ekzekutimit që ishte specifikuar në dosjen e tenderit;
 - që të përmbushë çfarëdo kushti tjetër që i është specifikuar në dosjen e tenderit, para nënshkrimit të kontratës përkatëse, ose
 - që të ekzekutojë një kontratë që përputhet më kushtet e specifikuara në dosjen e tenderit.

Siguruesi është i detyruar ta paguajë kompensimin nga sigurimi për dëmin e shkaktuar kur ndodh rasti i siguruar sipas dispozitave të këtyre Kushteve të sigurimit, për të cilin është lidhur kontrata për sigurim.

Neni 2.

Nëse autoriteti kontraktues vendos një kërkesë për sigurimin e tenderit, kërkesa e tillë do të aplikohet për të gjithë tenderuesit. Autoriteti kontraktues do të refuzojë dhe nuk do të vlerësojë një tender të pranuar nga një tenderues që nuk e ka përmbushur kushtin e depozitimit të sigurisë së tenderit.

Neni 3.

Nëse autoriteti kontraktues vendos që të detyrojë depozitimin e sigurisë së tenderit, shuma e sigurisë së tillë duhet të jetë jo më pak se tri përqind (3%) dhe jo më shumë se pesë përqind (5%) e vlerës së parashikuar të kontratës publike ose konkursit të projektimit, por sidoqoftë, në asnjë rast nuk duhet të jetë më pak se 1,000.00€.

Neni 4.

Autoriteti kontraktues do të specifikojë në dosjen e tenderit të gjitha kërkesat që kanë të bëjnë me karakterin, formën, shumën si dhe kushtet e tjera të aplikueshme lidhur me sigurinë e kërkuar të tenderit. Siguria e tenderit gjithmonë mund të deponohet në para të gatshme ose në ekuivalentin e parave të gatshme, p.sh. Transfere bankare. Sigurimi i tenderit gjithashtu mund të bëhet në formë të një çeku të certifikuar, bondi, kredie ose garancisë bankar; sidoqoftë, me kusht që , kërkesa e tillë të mos kërkojë nga lëshuesi që të ketë një vendqëndrim të caktuar. Komisioni i Rregullave për Prokurim Publik në rregullat e prokurimit publik do të përfshijë dispozita detale mbi minimumin e kualifikimeve që lëshuesi i çekut, bondit, kredisë ose garancisë bankar duhet t'i përmbushë në mënyrë që instrumentet në fjalë të jenë të pranueshme; sidoqoftë, me kusht që kualifikimet e tilla minimale të mos jenë diskriminuese edhe të kufizohet vetëm në ato kualifikime që drejtpërsëdrejti kanë të bëjnë me konfirmimin e stabilitetit dhe qëndrueshmërisë së lëshuesve të tillë.

Neni 5.

Nëse autoriteti kontraktues vendos që të detyrojë depozitimin e sigurisë së tenderit, dosja e tenderit duhet të përmbajë një dispozitë të veçantë që parashtron:

- shumën e saktë të sigurisë së tenderit dhe periudhën e vlefshmërisë së sigurisë së tenderit;
- afatin e fundit kohor për pranimin e sigurisë së tenderit, që duhet të jetë i njëjtë me afatin për pranimin e tenderëve;
- një deklaratë të rrethanave, në përputhshmëri me nenin 55.1, që mund të shkaktojnë konfiskimin e sigurisë së tillë; dhe kërkesat që mbulohen nga neni 4.

Neni 6.

Çdo autoritet kontraktues do të hapë një xhirollogari të veçantë me kamatë në një bankë të licencuar në Kosovë me qëllim të pranimit dhe ruajtjes së fondeve që pranohen si siguri e tenderit ose që pranohen përmes një bondi, krediti ose garanci bankar që është depozituar si siguri e tenderit. Autoriteti kontraktues menjëherë do t'i depozitojë dhe mbajë të gjitha fondet e tilla në xhirollogarinë në fjalë. Autoriteti kontraktues nuk do të kthejë transferojë, përdorojë ose të shfrytëzojë në çfarëdo mënyrë tjetër fondet në fjalë përveç siç autorizohet nga neni 7. deri 9. të këtyre kushteve.

Neni 7.

Nëse nuk ka ndodhur asnjë ngjarje që do të shkaktoje konfiskimin e sigurisë së tenderit, siç është cekur në nenin 1, autoriteti kontraktues do të kthejë fondet ose dokumentin që është depozituar si siguri e tenderit brenda pesë (5) ditëve pas ndodhjes së cilësdo nga këto ngjarje në vijim:

- skadimi i datës së vlefshmërisë së tenderit;
- dhënia dhe hyrja në fuqi e kontratës përkatëse publike;
- anulimi formal ose përfundimi i aktivitetit të prokurimit para dhënjes ose hyrjes në fuqi të kontratës përkatëse publike, ose
- tërheqja e tenderit para afatit të fundit kohor për dorëzimin e tenderëve, përveç nëse dosja e tenderit në mënyrë eksplicite thotë se tërheqja e tenderit lejohet.

Neni 8.

Nëse autoriteti kontraktues vendos (zbulon) se ka ndodhur një ngjarje që kërkon konfiskimin e sigurisë së tenderit sipas nenit 1., autoriteti i tillë kontraktues do të (i) njoftojë tenderuesin

përkatës me shkrim mbi vendimin e tillë. Sidoqoftë, nëse siguria e tenderit në fjalë është deponuar në formë të një bondi, kredie ose garancisë bankar, autoriteti kontraktues duhet që së pari të marrë të gjitha masat e nevojshme për t'i marrë fondet përkatëse nga lëshuesi i tyre para se t'i dërgojë tenderuesit njoftimin e kërkuar nga fjalia e mësipërme. Autoriteti kontraktues do t'i lërë fondet e tilla të deponuara në xhirollogarinë e përshkruar në nenin 6. përderisa tenderuesi përkatës të ketë shpenzuar pa sukses të gjitha të drejtat e tij për të apeluar kundër vendimit të tillë, dhe nuk është pranuar asnjë urdhër nga KRPP –ja, një panel shqyrtues ose një gjykatë kompetente që kërkon nga autoriteti kontraktues që të mos bëjë asnjë sistemim tjetër të fondeve në fjalë, autoriteti kontraktues do të:

- nëse autoriteti kontraktues u nënshtrohet akteve normative mbi çështjet publike buxhetore ose çështjet e përvetësimeve, trajtojë konfiskimin e depozituar të tillë të sigurisë si gjobë dhe/ose dënim dhe do t'ia transferojë fondet e tilla në Fondin e Konsoliduar të Kosovës në përputhshmëri me dispozitat përkatëse të akteve të tilla; ose
- nëse autoriteti kontraktues nuk u nënshtrohet akteve të tilla, transferojë fondet e tilla të konfiskuara në xhirollogarinë e tij të përgjithshme rrjedhëse dhe për qëllime të kontabilitetit dhe tatimore, do t'i trajtojë fondet e tilla të konfiskuara të tenderit, si të ardhura të zakonshme.

Neni 9.

Siguruesi nuk është i detyruar t'ia kompensojë kërkesat e Tenderuesit të cilat ai nuk ka mundur t'i plotësojë për shkak të:

- ngjarjeve luftarake dhe politike në Kosovë;
- masave të përgjithshme shtetërore etj.
- fatkeqësive natyrore (shpërthimi vullkanik, tërmeti, vërshimet dhe përmytjet, uragani etj.)
- kur tenderuesi me ofertën që ia paraqet siguruesit nuk i kumton të gjitha rrethanat e rëndësishme që mund të ndikojnë në vendimin e siguruesit.
- kur tenderuesi nuk ia paraqet siguruesit marrëveshjet që i ka përfunduar përpara ose pas lidhjes së kontratës së sigurimit, ndërkohë që këto marrëveshje shtojnë rrezikun e siguruesit
- që të përmbushë çfarëdo kushti tjetër që nuk është specifikuar në dosjen e tenderit, para nënshkrimit të kontratës përkatëse,
- kur tenderuesi pa pëlqimin e siguruesit i ndryshon më vonë kushtet kontraktuese të pagimit,
- kur dëmi i shkaktuar mund t'i atribuohet veprimit të siguruarit i cili nuk ka vepruar si nikoqir i mirë dhe i ndërgjegjshëm, posaçërisht në qoftë se nuk ka treguar kujdesin e duhur për arkëtimin e kërkesave.

Neni 10.

Siguruesi pasi ka paguar zhdëmtimin pa qenë i detyruar ta paguajë atë në bazë të kontratës së sigurimit dhe të kushteve të këtij lloji të sigurimit, e mbanë të drejtën që të kërkojë shumën e zhdëmtuar, kamatën dhe shpenzimet nga i Siguruari.